



Do nastavnika/ce je da svoj predmet učine zabavnim i prijemčivim svojim učenicima/cama

U prazničnoj epizodi "Besjeda o obrazovanju", gošće Meliha Feta i Edina Šabić predstavile su edukativni set slikovnica „Šta? Kako? Zašto?“, koje kroz likove Maka i Fizisa približavaju djeci prirodne nauke kroz eksperimente. S4EP8



U prazničnom raspoloženju, ova *Besjeda o obrazovanju* je razigrana i edukativna. Gošće **Meliha Feta** i **Edina Šabić** su nastavnice iz Osnovne škole „**Avdo Smajlović**“ iz Sarajeva i autorice seta od 5 slikovnica sa zajedničkim naslovom „Šta? Kako? Zašto?“

- Koje je ilustrovala Nejra Turčinović i lektorisao Bernes Aljukić.
- Pojedinačno slikovnice su pune eksperimenata koji su edukativni i koji na svojevrsan način približavaju prirodne nauke djeci, ne samo učenicima viših razreda, nego i mlađima. Neki eksperimenti koji se nalaze u ovim slikovnicama se mogu već u vrtiću raditi sa djecom.

Ovim slikovnicama je prethodilo izdanje „*Fizika je svuda oko nas – zbirka ogleda iz fizike za osnovnu školu*“ koja se i danas koristi u nastavi fizike, jer prati plan i program nastave.

Mak i Fisis su dva lika koja nas vode kroz priču ovih pet slikovnica, koja čine jednu cjelinu. Prva priča je slikovnica „Prognozeri baš po mjeri“ koji se bavi vremenskom prognozom i cjelokupnom

naukom o hidrometeorologiji i važnošću ekologije. Ova slikovnica je zapala za oko i Hidrometeorološkom zavodu koja će kroz svoje projekte koristiti ovu slikovnicu.

Druga slikovnica je priča o „*Fizisu i prijatelji u Zoo vrtu*“, koja uči djecu o životinjama, biljkama i insektima kroz zabavne eksperimente uz pomoć kojih su objašnjeni i osnovni zakoni fizike.

Slikovnica „**Zvezdano nebo**“ uči djecu kako da se orijentišu u prostoru, kako izgledaju sazvežđa, koje planete čine Sunčev sistem.

Fizis i Mak su u ovoj slikovnici astronauti.

Četvrta slikovnica je „*Pustolovina sa plavog mora*“ gdje djeca uče o pojavi potiska i magnetizma.

Nakon puno učenja, peta slikovnica je „**Zabava – Party**“ koja objedinjuje sve učesnike prethodnih slikovnica.

Svi likovi su se okupili nakon svih avantura i oni pripremaju žurku, od ambijenta do instrumenata. Poukom o prijateljstvu se zaokružuje ovaj serijal.

Set slikovnica je dostupan na sajtu inskola.com i u specijaliziranoj knjižari Bajkologija u Sarajevu.

Gledajte i slušajte Besjede o obrazovanju svake srijede u 19h na [Facebook profilu Besjeda o obrazovanju](#), [Instagram](#) i [Facebook profilu COI Step By Step](#) i na našem [YouTube kanalu](#). Pozivamo vas da nam pišete prije, tokom i nakon emisije, kako bismo njegovali dijalog sa vama i crpeli inspiraciju iz vaših predloga, pohvala, kritika, sugestija i pitanja.

Collections

Besjede o obrazovanju